

119 að hafa á boðstólum, selja eða útvega öðrum vinföng, enda þótt þeir hafi leyst 14. okt. leyfisbrjef samkvæmt lögum 22. nóvbr. 1907.

Þetta er yður hjermeð til vitundar gefið til leiðbeiningar og birtingar fyrir kærendunum.

120 **Brjef stjórnarráðsins til umsjónarmanns fræðslumálanna um hve-**
14. okt. **nær niðurjöfnun skólagjalds skuli fram fara.**

Með brjefi, dagsettu 5. þ. m., hafið þjer, herra umsjónarmaður, látið uppi álit yðar útaf fyrirspurn skólanefndarinnar að Djúpavogi um það, hvenær niðurjöfnun skólagjalds eigi fram að fara, þar er hluti af hreppi er skólahjerað fyrir sig. Látið þjer þess getið, að lög um fræðslu barna 22. nóvbr. 1907 hafi ekkert beint ákvæði að geyma um það, hvenær þessi niðurjöfnun skólagjaldsins eigi fram að fara, svo að hreppsnefnd virðist geta jafnað gjaldinu niður á þeim tíma, sem hún telur hentugan, en með því að svo sje kveðið á um í 30. gr. fræðslulaganna, að skólanefnd beri að afhenda sveitarstjórn áætlun »í tæka tíð« um kostnað við barnafræðsluna ár hvert, þá hljóti að vera svo til ætlast, að skólakostnaðinum verði jafnað niður að haustinu, samkvæmt áætluninni, ásamt öðrum sveitargjöldum, enda virðist það ekki mega seinna vera, ef skólanefnd eigi að hafa fjeð handbært á þeim tíma, er til þess þarf að taka til launa handa kennurum og til annara þarfa skólans. Hefði ekki verið svo til ætlast, að hreppsnefndin jafnaði fjenu niður fyrirfram, virtist ástæðulaust að gjöra ráð fyrir áætlun um kostnaðinn; það hefði þá verið nægilegt, að skólanefndin hefði á eftir gjört hreppsnefndinni reikning fyrir honum. Samkvæmt þessu segið þjer það skoðun yðar, að nauðsynlegt sje að niðurjöfnun skólakostnaðar fari fram á haustin svo tímanlega, að rekstur skólans hindrist ekki, og á þetta jafnt við, hvort er skólahjerað og hreppsfjelag fellur saman, eða skólahjerað er aðeins hluti af hreppsfjelagi.

Útaf þessu skal yður til vitundar gefið yður til leiðbeiningar og frekari birtingar, að stjórnarráðið felst með öllu á framangreinda skoðun yðar.

121 **Brjef stjórnarráðsins til biskups um breytingar á nokkrum**
20. okt. **prestaköllum í Barðastrandarprófastsdæmi samkvæmt lögum**
16. nóvbr. 1907, m. m.

Samkvæmt tillögum yðar, háæruverðugi herra, dagsettum 4. júní og 12. þ. m., veitir stjórnarráðið samþykki sitt til þess að breytingar þær komist nú þegar á skipun prestakalla, sem gjört er ráð fyrir í lögum 16. nóvbr. 1907 nr. 45 að verða eigi á Sauðlauksdalsprestakalli, Selárdalsprestakalli og Otrardalsprestakalli, þannig að skipunin verði þessi, sbr. 1. gr. nr. 59—61 (XII) fyr-

nefndra laga: *Sauðlauksdalur*: Sauðlauksdals-, Breiðuvíkur- og Saurbæjar- **121**
sóknir; *Eyrar*: Eyra- og Stóra-Laugardalssóknir; *Bildudalur*: Bildudals- og Selár- 20. okt.
dalssóknir. Jafnframt er svo kveðið á um, að prestarnir í prestaköllum þessum
taki frá fardögum 1908 laun eftir hinum nýju prestaunalögum 16. nóvbr. 1907
nr. 46 þannig:

I fyrsta launaflokki (1700 kr.):

Síra Þorvaldur Jakobsson í Sauðlauksdalsprestakalli.

I þriðja launaflokki (1300 kr.):

Síra Jón Árnason í Bildudalsprestakalli.

Síra Magnús Þorsteinsson í Eyraprestakalli.

Þetta er yður til vitundar gefið yðar til leiðbeiningar og frekari birt-
ingar og ráðstöfunar.

Auglýsing

122

4. sept.

um

breyting á takmörkum Síðuhjeraðs og Hornafjarðarhjeraðs.

Samkvæmt heimild þeirri, er veitt er í 2. málsgr. 1. gr. laga 16. nóvbr. 1907 um skipun læknishjeraða m. m., hefir stjórnarráðið eftir tillögu sýslunefndarinnar í Austurskaftafellssýslu gjört þá breytingu á takmörkum Síðuhjeraðs og Hornafjarðarhjeraðs, að Hofshreppur gangi undan hinu fyrnefnda læknishjeraði og undir hitt, þannig að Hornafjarðarhjerað nái yfir alla Austurskaftafellssýslu.

Þetta kunngjörist öllum þeim til eftirbreytni, er hlut eiga að máli.

Í stjórnarráði Íslands, 4. septbr. 1908.

H. Hafstein.

Jón Magnússon.